

MINISTERIO PUBLICO TA LANSA PROYECTO
**"CHOICES MATTER,
SO DO YOU"**



WWW.SOLODIPUEBLO.COM



SOLODIPUEBLO@GMAIL.COM

**A BASE DI
KICO ATIA TA
CONCLUI CU
RIJKSWET
TA BENEFICIOSO PA
ARUBA?**



GEEN GEHOOR
VOOR VAKBONDEN
DIE DUIZENDEN
WERKNEMERS
VERTEGENWOORDIGEN

**OVERHEID EN COALITIE
BLIJVEN VAKBONDEN
BUITENSLUITEN BIJ DISCUSSIE
OVER RIJKSWET HOFA**

**OTRO AÑA FEBRUARI LO TRATA CASO
CONTRA 2 AGENTE DI POLIS CU A TIRA
MATA AYDEN LANOY**

**CONTRARIO NA
LOKE A WORDO
PRIMINTI PA
GOBIERNO, PODER
DI COMPRA TA KEDA
BAY ATRAS!**



Tanto Banco Central como Centraal Bureau
Statistiek ta confirma esaki!



Parlamentario Dangui Oduber:

CONTRARIO NA LOKE A WORDO PRIMINTI PA GOBIERNO, PODER DI COMPRA TA KEDA BAY ATRAS!

Tanto Banco Central como Centraal Bureau Statistiek ta confirma esaki!



ORANJESTAD – Mas dia pasa mas ta bira obvio cu e gobierno di Avp-Futuro a gaña tur hende y tuma tur hende haci. Ambos partido tanto AVP como Futuro a hiba un campaña cu nan lo mehora poder di compra, reduci costo di bida, percura pa no tin inflacion y percura pa tur prijs na Aruba baha. Geoffrey Wever te hasta a bisa cu frigidierenan na Aruba ta bashi y cu partido Futuro lo percura pa yena e frigidierenan bek. Awe despues di 8 luna di gobernacion e realidad ta otro. Awe tin inflacion, no tin caminda mas pa pueblo sconde pa sla di prijs di Geoffrey Wever y Gabinete AVP-Futuro. Prijs di coriente NO a baha, prijs di awa NO a baha, prijs di gas a subi danki na Geoffrey Wever y prijs di comestibles ta mas halto cu nunca. Placa no ta yega y frigidierenan a bira

mas bashi cu aña pasa.

No ta nos ta bisa esaki si no esaki a wordo confirma pa banco central por medio di un survey cu a wordo haci pa nan. Nada menos cu 88% di consumidornan Arubano ta bisa cu nan por compra menos cu seis luna pasa. Esaki ta sali for di e ultimo Consumer Confidence Survey di Banco Central di Aruba (CBA) pa e segundo cuartal di 2025. Banda di Banco Central, Centrale Bureau Statistiek (CBS) tambe a indica cu den luna di September 2025 e poder di compra a bay drasticamente atras compara cu aña pasa September 2024.

E poder di compra na Aruba ta bao mas presion cu nunca. Segun e mas reciente rapport di Centraal Bureau Statistiek (CBS), ta resulta cu den september 2025, hogarnan mester di hopi mas placa pa por sobrevivi e luna compara cu un aña pasa. Especialmente famianan y personanan cu entrada abou ta sinti e presion cada bes mas fuerte.

Un famia promedio tin mester di 6.622 florin den September 2025 pa cubri e necesidadnan basico. Pa un persona so, e montante ta 3.204 florin den September 2025. Den september 2024 esakinan



tawata 6.109 florin y 2.944 florin respectivamente. Esaki ta representa un aumento anual di mas cu ocho por ciento (8%). Esaki ta wordo causa pa un aumento explosivo di prijsnan di comestiblesnan, netamente loke nos ta bin ta señalando pa varios luna. Anto esaki ta un gobierno cu a priminti cu nan lo mehora poder di compra y costo di bida lo baha.

Awe despues di 8 luna e realidad ta otro. Hendenan no tin placa pa gasta, tin inflacion, tin aumento di gasto pa famianan y

no tin confiansa den nos economia. Awe un tin caminda pa sconde pa prijs mas na Aruba. E situacion no a bira mihor manera a ser priminti y es mas e situacion a bira peor. Unda cu bo bira tin aumento di prijsnan explosivo. Ningun prijs na Aruba a baha, costo di bida no a ser mehora y poder di compra ta keda bai atras.

Minister Geoffrey Wever a bisa cu e ta traha riba un “koopkrachtmodel” pa mehora e poder di compra pero pueblo si no tin pasenshi mas pa warda ki dia e modelo

aki lo keda cla. Tur dia pueblo ta sinti efectonan di prijsnan na Aruba. Tarifa di awa no a baha, tarifa di coriente no a baha, prijs di gasoline NO a baha, prijs di diesel no a baha y no papia mes di prijsnan den supermercadonan. Kico Gobierno ta bay haci pa alivia pueblo anto?





OTRO AÑA FEBRUARI LO TRATA CASO CONTRA 2 AGENTE DI POLIS CU A TIRA MATA AYDEN LANOY

ORANJESTAD – Awe mainta Corte di Husticia a cuminsa cu e lamentable caso di e 2 agentenan di Polis M.V. y R.G.D., sospecha di a tira e hoben Ayden Lanoy mata.

SOLO DI PUEBLO por a compronde cu masha hopi hende tabata tanto paden como pafor di Corte pendiente pa e caso aki. Hues a rechaza e peticion di e abogadonan di e dos agentenan y tambe e peticion di Fiscal. Hues a dicidi cu otro aña Februari 2026 lo trata e caso.

A DIVIDI FAMIANAN DEN SALANAN

Por a nota cu tabatin medida di seguridad extra na edificio di Corte. E team special di KIA hunto cu e team di CEA di Corte a percura pa tur cos bay na orden. Pa evita confrontacion entre famia, a laga famianan di e victima Ayden Cj Lanoy, sinta den e tribuna abao den sala di Corte mientras cu e famianan di e dos agentenan di Polis a sinta den e tribuna ariba. Por a nota cu hasta Comisario di Polis tabata presente y tabata sinta den e tribuna ariba. Por a ripara tambe cu e famia di e victima a bin cu flanel preto cu e potret di Ayden Lanoy y patras di e flanel ta skirbi: "Justice for my son Ayden Cj Lanoy".

HUES A PAPIA CU TRIBUNA DEN CORTE

Hues a bisa na tur presente cu e ta un caso hopi lamentable caminda a kita bida di un hoben di 19 aña. El a bisa cu el a mira riba facebook y sa kico ta biba den comunidad. El a sigura cu lo hiba un proceso husto. Hues a sigui bisa cu mester haci investigacion cuidadoso pa asina Corte sa kico a sosode y e ora ey tuma un decision pa haci husticia riba kico sosode. Hues a pidi publico pa mantene nan emocionnan.

ACUSACION

Fiscal a bisa cu M.V. y R.G.D. ta wordo acusa cu a tuma bida di Ayden Cj Lanoy riba 9 Februari 2025 door di intencionalmente a tira varios biah cu nan arma di Polis riba Lanoy y su vehiculo. E consecuencia ta cu Lanoy a fayece. Fiscal a sigui bisa cu subsidiario ta acusa M.V. y R.G.D. di intento mata y mas subsidiario, intento di herida severo.

PETICION PA INVESTIGACION

Landsrecherche a haci un investigacion extenso den e lamentable aki. Hues a mostra cu dia 24 October 2025 abogadonan mr. Carlo di R.G.D. y mr. Illes di M.V., a manda pidi Hues pa mas investigacion. Fiscal a reacciona y a bin acerca videonan y e sonidonan. Mr. Carlo a papia p'e y mr. Illes y cu tin dos video caminda e promer video e imagen y sonido no ta sincroniza pero e di dos video si. El a remarca cu pakico den e promer video caminda e audio y video no ta sincroniza, Landsrecherche a haci un resumen y esun di dos caminda si ta sincroniza, no a haci un resumen. El a pidi pa haci un resumen di tur dos cu ora y tur cos.

E otro peticion ta pa inclui e conclusionnan di NFI (Instituto Forence Hulanda) y imagennan. El a bisa Hues cu nan tambe ta busca un tercer partido for di Hulanda pa evalua tur esakinan. Si logra esaki lo informa Hues y Ministerio Publico na tempo. Ta expertonan na Hulanda cu a yega di haci investigacionnan asina.

Hues a splica cu a manda e videonan pa Instituto Forence Hulanda pasobra e videonan a wordo tuma e mesun momento pero e oranan ta varia. NFI a mostra cu e promer video ta

sincroniza door cu ora scucha tiro, ta mira huma sali for di un arma. Hues a bisa cu riba video 1 a tira pero e auto no a core y video 2 ta mira cu a los promer tiro ora auto core. Hues a mostra cu den e relato di Landsrecherche ta mostra cu e promer video ta mostra cu e tiro a cay ora e auto tabata reverse mientras cu video 2 ta mostra cu tiro a cay ora e auto tabata bay dilanti. Mr. Illes a remarca cu tin cosnan cu ta menciona den raport pero e no ta mira esey riba imagennan.

PETICION FISCAL

Fiscal a bisa cu e mayornan a wordo invita pa bay Ministerio Publico hunto cu nan abogado mr. Hatzmann, pa mira e imagennan di e videonan cu ta shock bo. Fiscal a bisa cu Landsrecherche a haci investigacion. Ariba peticion di abogadonan di e sospechosonan, Landsrecherche a traha otro relato pa splica loke ta mira riba videonan y e sonidonan. Fiscal ta haya cu e di dos peticion no ta realisabel pasobra ya caba a haci investigacion amplio di video y sonido. El a pidi Hues pa stipula un periodo pa abogadonan por tin e investigacion adicional cu nan kier haci y laga esaki bay serca Hues Comisario. Fiscal a pidi Hues pa laga Hues Comisario evalua e experto y nombr'e pa haci investigacion.

HUEZ A RECHAZA PETICIONNAN

Hues a dicidi cu ya tin un relato di NFI riba e investigacion, cu ta cumpli cu e promer peticion di abogadonan. E di dos peticion, Hues a bisa cu e imagenan y sonido tey riba e videonan. E informacionnan tey pero no ta relata den e procesverbaal. Hues a mostra cu Landsrecherche ta

mostra cu e promer tiro riba video ta ora e auto tabata reverse y riba e otro video e promer tiro tabata ora cu e auto tabata bay dilanti. Hues ta haya cu ta keda na e abogadonan pa mostra esey durante tratamiento di e caso. El a rechaza e peticionnan di abogadonan. Pa loke ta punto di bista di Fiscal, Hues a rechaza esaki pasobra e ta haya cu e abogadonan tin derecho di busca nan mesun hende. Sinembargo e punto ta, e pregunta por surgi si e persona of personanan ta experto. FAMILIA TIN DERECHO DI PAPIA Hues a bisa cu ley penal a cambia caminda awor e mayornan di victima tin derecho di hiba palabra. Abogado mr. Hatzmann ta representa e mayornan y sra. Lopez cu ta un familiar. Hues a bisa cu e mayornan y sra. Lopez por hiba palabra den Corte.

CASO TA OTRO AÑA

Hues a bisa cu e kier planea con hopi tratamento di e caso lo dura. Fiscal a bisa cu e lo tuma 2 ora pa su rekisitorio. Abogadonan mr. Carlo y mr. Illes tambe ta 2 ora, abogado di famia mr. Hatzmann a bisa cu e lo tuma 1 ora. Hues a puntra si lo kier pasa videonan den Corte. Abogado di famia a bisa cu esey lo ta traumatiza e famia. Fiscal ta haya cu ta importante pa pasa e videonan y cu e mayornan a mira e videonan caba. Hues a bisa cu e ta calcula cu tratamiento di e caso lo dura entre 2 y 3 dia.

Hues a fiha cu dia 20 Februari 2026 lo cuminsa tratamento di e caso. Dia 23 Februari 2026, Fiscal lo hiba rekisitorio y mayornan lo haci uso di nan derecho di papia.

Dia 26 Februari 2023 lo caba cu tratamento di e caso y e dia ey Hues lo fiha un fecha pa sentencia.

Parlamentario Rocco tjon

A BASE DI KICO ATIA TA CONCLUI CU RIJKSWET TA BENEFICIOSO PA ARUBA?

E declaracion recien di Aruba Trade & Industry Association (ATIA), representa pa señor Henriquez, den cual e organisacion a yama e Consensus Rijkswet Hofa "Positivo pa Aruba", ta lanta duda tocante e base y e fundamento real di e expresion aki.

Segun ATIA, e Consensus Rijkswet lo ta un paso positivo pa Aruba, entre otro pa motibo cu Aruba lo por cumpli miho cu su obligacionnan financiero. Sinembargo, esaki ta un argumentacion meramente subhetivo y ta contradeci e informacion y analisisnan obhetivo di diferente fuente independiente. Tanto e rapport di IMF

como e rapport di CAFT ta indica claramente cu e situacion financiero di Aruba a mehora significativamente durante e añanan tras di lomba. Tambe e proyecionnan presenta pa minister Geoffrey Wever mes ta muestra cu Aruba lo logra surplusnan te cu 2030 y cu e debe nacional na 2040 lo ta bou di 50% si sigui cu un maneho financiero responsabel manera a bin ta haci ultimo añanan.

Loke ta haci e situacion ainda mas straño ta cu señor Henriquez a asisti diferente presentacionnan den cual profesornan y expertonan independiente a presenta analisisnan huridico, economico y

financiero cu ta muestra e riesgo y desbentahanan cu e Rijkswet Hofa tin pa Aruba. Diestres (13) sindicato a expresa den un carta largo y bon argumenta pakico Consensus Rijkswet HOFA no ta beneficioso pa pueblo. Sinembargo, ATIA ta opina completamente diferente.

E contraste den e manera cu e sindicato nan a traha y e manera cu ATIA a traha ta hopi bisto. Mientras cu e sindicato nan a argumenta nan opinion riba cifra verificabel, asesoraiento huridico y input academico, e posicion di ATIA ta parce di ta basa mas riba speculacion cu riba dato concreto. Diferencia di

opinion ta sano, pero forma argumentonan y sostene decisionnan basa riba nada ta un peliger pa Aruba.

Den cuadro di esaki e ora e preguntanan na ATIA ta bira:

1. Dicon ATIA ta desvia di e posicion di 13 sindicato, cu a base di argumento huridico, economico y financiero a yega na e conclusion cu e Rijkswet HOFA no ta beneficioso pa Aruba?;
2. Riba ki conseho, analisis of rapport independiente ATIA ta basa su posicion?;
3. ATIA por comparti cu pueblo e documentonan cu ta sostene boso posicion pa cu e Consensus Rijkswet HOFA?



Nos ta haci un yamada na señor Henriquez y na ATIA pa nan ta transparente tocante e fuente, analisis y cualke tipo di conseho cu nan a uza pa forma e opinion aki. Den un momento crucial pa e autonomia, economia y futuro di Aruba, pueblo Arubiano merece claridad y sinceridad, no interpretacionnan politico of personal!

PORTA PA HARMONIA A HABRI NA NOORD CARLOS BISLIP: LES DI MUSICA DEN BARIO TA IMPORTANTE P'E DESAROYO DI NOS HUBENTUD

Docente di musica Carlos Bislip a celebra e logro di e apertura di Porta pa Harmonia den Semeleerstraat. Como director di Arubaanse Muziekschool (AMS), el a comparti cu 40 aña pasa ora el a bolbe Aruba, Minister Herdé a expresa cu scol di musica no mester solamente funciona na Cas di Cultura den Playa pero mester bay den pueblo. Na

es momento Sr. Bislip no a compronde esaki pero den transcurso di e añanan e la compronde e dificultad di varios hoben pa yega te na Cas di Cultura.

Di e forma aki el a expresa su emocion y alegria cu e logro di e prome scol di muisca na Aruba den pueblo di Noord. E director di AMS a indica cu lo cuminsa cu les di piano, baho, guitarra, cuarta y

mandolin na Porta pa Harmonia y dependiente di deseo di e alumnonan tin e posibilidad pa eventualmente añadi diferente otro instrumento n'e scol aki. Tin diferente forma di recreo cu ta importante pa desaroyo di ser humano y di e forma aki Porta pa Harmonia ta e prome paso pa desaroyo di mucha y hoben den forma di musica.

Porta pa Harmonia a habri fin di siman ultimo y pronto lo anuncia inscripcion pa les di musica n'e scol situa na Semeleerstraat. Un idea cu a nace durante un accion di bario den Semeleerstraat, na momento cu Prome Minister mr. Mike Eman a mira un cas bashi y a surgi un idea pa dun'e cas aki un proposito. Arubaanse Muziekschool (AMS) a brasa e idea aki y Fundacion Cas pa Comunidad Arubano (FCCA) a duna tur cooperacion pa renoba e cas y ta dispuesto pa mira unda lo por coopera den mas bario pa tuma iniciativa similar.



Un proyecto cu hopi sentimento, unda cu Prome Minister mr. Mike Eman conhuntamente cu AMS kier ofrece comunidad un luz di speransa adicional unda tur hoben cu ta desea di desaroya un talento cu nan por tin den cualkier instrumento musical por bin aki y sigui e lesnan.

M.J.C TROMP

NOTARIS

Santa Cruz 35 • Santa Cruz, Aruba
☎ +297 585 3500 | +297 585 7900
✉ info@notaristromp.com

Op **dinsdag 11 november 2025** des namiddag om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 6 juli 2031 op een perceel domeingrond, groot 399 m², gelegen te Rooi Master in Aruba, kadastraal bekend als Land Aruba, **Derde Afdeling Sectie K nummer 20**, met het daarop gebouwde, plaatselijk bekend als “**Rooi Master 18-B**”;
Inzetprijs: Afl. 240.000, ==;
- een perceel eigendomsgrond, groot ongeveer vierhonderd en vier vierkante meter ($\pm$ 404 m²), of zoveel groter of kleiner als na kadastrale opmeting zal blijken zoals op het terrein is of zal worden afgebakend, gelegen te Papaya in Aruba, zoals nader omschreven in een particulier meetdocument opgemaakt door Caribbean Surveying & Civil Solutions N.V. nummer 48-2004 op 11 juni 2004 (index:D5537), afkomstig van het moederperceel kadastraal bekend als Land Aruba Eerste Afdeling Sectie L nummer 3577, met het daarop gebouwde, plaatselijk bekend als “**Papaya 20-T**”;
Inzetprijs: Afl. 228.000, ==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Whatsapp: (297) 6997245
Fax: 5854222
Email: veiling@notaristromp.com / auktion@notaristromp.com
Visit: Arubanotary.com

N

TECNOLOGIA AVANSA TA DRENTA DEN FUNCION NA KPA

Savaneta, ARUBA: Criminalidad no ta para keto y nos di KPA tampoco! Cuerpo Policial Aruba ta sigi crece por medio di colaboracion, innovacion y modernisacion ariba e parti efectivo y eficiente pa combati criminalidad. Despues diferente pasonan importante den e parti digitalisacion durante e ultimo añanan, a yega e momento pa eleva KPA cu mas equipo moderno y sofisticado. KPA ta adkiri un drone policial specialisa y ta cuadra cu e futuro di innovacion di nos organisacion riba un nivel internacional bon equipa. Cu sensornan, camera y opcion nan sofisticada di ultimo version di e compania mas grandi y renombra cu ta DJI.

Combatiendo criminalidad den un forma profesional y den un otro bista husando equiponan moderno cu ta haci e trabou di Polis mas eficiente. Tambe ta yuda pa investigacion, orden publico y mucho mas den



nos operacionnan diario. Cuatro colega di KPA conhuntamente cu personal di Setar N.V. a sigi un curso hopi intensivo di "Theoretical and Practical Drone Flight Course-Enterprise Line.

E curso a wordo duna door di G.J. Luna - DJI instructor y M. M. Zuniga - DJI engineer di Drones Empresariales de Centroamérica S.A. Na final di e curso a duna un presentacion



na alto mando di KPA y como tambe director y representante di Setar NV. KPA ta felicita e coleganan di KPA y como tambe di Setar NV pa a pasa e curso aki cu exito. Nos ta keda traha pa mehora e parti di seguridad di nos Pais cu introduccion di tecnologia avansa.



MINISTERIO PUBLICO TA LANSA PROYECTO "CHOICES MATTER, SO DO YOU"



Recientemente Ministerio Publico a lansa e proyecto preventivo yama "Choices matter, so do you" cu a tuma lugá na Universidad di Aruba. E proyecto aki ta un colaboracion extenso entre Universidad di Aruba hunto cu varios scol secundario y financia cu fondonan destina pa combati criminalidad. Den presencia di Procurador General y varios fiscal y varios docente y estudiante di Universidad, Minister di Husticia mr. drs. Arthur Dowers a duna un discurso den cual e mandatario a pone enfoca riba e rol crucial di Ministerio di Husticia pa cu siguridat na Aruba, pero tambe e rol importante di duna informacion corecto. E hecho cu PG y varios fiscal ta presente na e lansamento di e proyecto

aki, ta muestra e importacia di un proyecto manera esaki. No solamente den ministerio di husticia ta sinti cu mester haci mas den prevencion di criminalidad riba Aruba, pero esey ta biba den hopi tambe den varios otro sector. "Choices matter, so do you" ta un proyecto sumamente bunita y bon scohi pa purba involvi e hobennan di nos comunidad pa transmiti cierto mensahenan pa otro hobennan den comunidad. Ta importante pa informacion yega su destino corectamente y sin espacio pa mal interpretacion y pesey ta importante cu e grupo di hoben aki fungi como "influencer" pa tuma e reto di trece informacion veridico sin mal informa otronan. E resultado di duna bon informacion tin

impacto riba otronan y por influencia otronan pa haci lo corecto. E influencia aki no lo necesariamente

wordo mira di biaha, pero den futuro un hoben cu awe a wordo influencia, lo por acerca e profesional

den algun aña y comparti cu ne con e informacion duna awe, a haci un impacto positivo riba dje.



Fractie MEP (Aruba):

Geen gehoor voor vakbonden die duizenden werknemers vertegenwoordigen

OVERHEID EN COALITIE BLIJVEN VAKBONDEN BUITENSLUITEN BIJ DISCUSSIE OVER RIJKSWET HOFA



Tijdens een overleg vanochtend tussen de vakbonden en vertegenwoordigers van de MEP-fractie is met grote zorg vastgesteld dat de Arubaanse overheid AVP-Futuro en hun behorende coalitiefracties nog geen enkel overleg hebben gevoerd met de vakbonden over de voorgenomen Rijkswet HOFA. Dit ondanks het

feit dat deze vakbonden een "positionpaper" ingediend hebben en duizenden werknemers vertegenwoordigen in cruciale sectoren van het land.

De vakbonden benadrukten dat zij niet uitgenodigd of gehoord zijn door de overheid noch door de fracties van de coalitie. Dit gebrek aan dialoog getuigt van minachting voor het sociaal partnerschap dat jarenlang met moeite is opgebouwd.

Inhoudelijk waarschuwen de vakbonden dat de beoogde Rijkswet een directe inbreuk vormt op de autonomie van Aruba en de besluitvorming van het Arubaanse volk. Een dergelijke



wet zou de uiteindelijke zeggenschap over onze financiën in handen leggen van Nederland, een situatie die volgens de vakbonden onverenigbaar is met zelfbestuur en democratische verantwoordelijkheid.

De vakbonden wezen erop dat Aruba al jarenlang op basis van een landsverordening financieel toezicht kent, en dat deze goed functioneert. "Als een medicijn werkt, waarom zou je een ander proberen? Als de landsverordening verbeterd kan worden, pas die dan aan, maar vervang haar niet door een rijkswet die onze rechten beperkt," aldus een van de



Directie Financiën y Centrale Accountantsdienst
ta informa cu dialuna dia 10 di november 2025 nos
lo ta cera pa publico henter dia pa motibo di un
personeelsbijeenkomst.

Nos lo reanuda nos servicionan normal diamars dia
11 di november 2025.

Masha danki pa e comprension.

Directie Financiën & Centrale
Accountantsdienst



**RECIENTEMENTE MINISTER DI INFRASTRUCTURA,
VIVIENDA Y TELECOMUNICACION, SR. RENE
HERDÉ A BISHITA HULANDA**



Minister Herdé a splica cu e motibo di su bishita na Hulanda ta pa scucha, siña, observa y busca experiencia encuan to e retonan grandi cu actualmente Aruba ta enfrenta. Algun di e retonan ta cu tin cierto departamentonan cu a wordo negligisha pa basta tempo y awo Ministerio HIT mester acelera nan recapitacion pa haci e trabou manera mester ta.

Un di e retonan mas grandi actualmente ta esun di vivienda. No obstante cu Hulanda ta hopi mas grandi cu Aruba nan ta enfrenta e mesun problematica encunto scarcedad di espacio. Hulanda como pais grandi a siña pa adapta y haci miho uzo di e placa disponibel pa maneha servicionan di utilidad y varios aspecto necesario den construccion di

vivienda.

Durante e bishita na Hulanda lo tene varios combersacion pa haya mas conocimiento riba tereno di vivienda y pa wak con ta e miho manera pa bin cu un solucion pa dicho problema. Antes na Aruba tawata otorga tereno relativamente grandi na tur hende, pero actualmente no tin e

disponibilidad mas pa haci
esaki.

Mester cuminsa na
diferencia e situacion y
necesidad di cada persona
p.e. un famia di edad
hoben compara cu un
pareha di edad avansa.
Alabes lo mester pensa
den construcccion di mas
edificio vertical y no
solamente horizontal.
Mundialmente a wordo

comproba cu esaki ta mas
efectivo den uzo di utilidad
y espacio, paso di e forma
aki bo por crea mas
vivienda.

E meta ta pa purba
satisface e necesidad
di cada persona di un
manera eficiente y pa haci
e trayecto di construccion
mas cortico pa asina yuda
suprimi e gastonan halto
mara na construccion.

	Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
	Resultado: Sorteo di Merdia 🎡 - November 07, 2025	
 Sorteo # 4796 6297 4661 5425  X3  BIG 4 Sorteo # 4796 0475  X2  Sorteo # 2852 4189  Sorteo # 4796 9843 Cancer  Sorteo # 1670 414  X2	 Sorteo # 0 x Jackpot 0 x Match 4+ 0 x Match 4 0 x Afl. 12.00  Sorteo # 0 x Jackpot 0 x Match 4 0 x Afl. 8.00  Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00  Sorteo #	Joker Letter Proximo Jackpot 250.000,- Proximo Jackpot 55.000,- Mega Ball Proximo Jackpot 425.000,- Afl. 585.000,- 

VACATURE

BIJ COLEGIO EPI
SCHOOLJAAR 25-26



EPI
EDUCACION PROFESIONAL INTERMEDIO

Leid, verbeter en ondersteun het hart van onze organisatie.

De Minister van Koninkrijksrelaties, Onderwijs, Jeugd, Innovatie en Sport, als bevoegd gezag van de Dienst Publieke Scholen, nodigt geïnteresseerde kandidaten uit om te solliciteren naar de functie van:

Hoofd Facilitaire Dienst (1VB)

Wij zoeken een enthousiaste en daadkrachtige collega die leiding wil geven aan de afdeling Facilitaire Dienst en actief bijdraagt aan een veilige, goed georganiseerde en professionele leeromgeving.

Wat ga je doen?

Als Hoofd Facilitaire Dienst ben je verantwoordelijk voor het aansturen en coördineren van alle facilitaire processen binnen Colegio EPI. Je zorgt ervoor dat het gebouwbeheer, de technische ondersteuning en het onderhoud efficiënt en toekomstgericht worden uitgevoerd.

Wat breng jij mee?

Vereisten:

- Hbo werk- en denkniveau, bij voorkeur op het gebied van Facility Management;
- Grondige kennis van gebouwbeheer;
- Inzicht in financiële processen en ervaring met budgetbeheer;
- Zelfstandig én in teamverband kunnen werken;
- Sterke communicatieve vaardigheden (schriftelijk en mondeling);
- Studentgerichtheid: je begrijpt dat goed onderwijs ook goede ondersteuning nodig heeft.

Jouw profiel:

- Professioneel en plichtsgetrouw;
- Resultaatgericht en stressbestendig;
- Transparant en betrouwbaar;
- Hands-on mentaliteit;
- Integer, flexibel en klantgericht;
- Daadkrachtig met een zakelijke blik;
- Bereid om buiten de standaard werktijden te handelen indien nodig.

Wat bieden wij jou?

Bezoldiging: conform de Bezoldigingsregeling Aruba 1986

Secundaire arbeidsvoorwaarden: volgens de Landsverordening Materieel Ambtenarenrecht en de Landsverordening Vakantie en Vrijstelling van Dienst Ambtenaren

Geïnteresseerd?

Stuur je sollicitatiebrief, voorzien van cv en kopieën van diploma's, binnen 2 weken na het verschijnen van deze vacature naar:

✉ hr@dps.aw (met Cc naar hr@epiaruba.com) 📞 t.a.v. Het Bevoegd Gezag – Minister van Koninkrijksrelaties, Onderwijs, Jeugd, Innovatie en Sport d.t.k.v. Managementteam Dienst Publieke Scholen, John F. Kennedy Education Center, Stadionweg 37

Vragen?

Voor meer informatie kun je contact opnemen met de HR-afdeling van Colegio EPI:

ATHLETES' FORUM CU CURSO DI PERSONAL BRANDING & CONTENT CREATION PA ATLETANAN



Durante e Athletes' Forum organisa door di Aruba Athletes' Commission (AAC) a tene diferente tayer unda cu trata temanan importante pa tur atleta. Un di e tayernan aki tabata tin como tema "Branding & Content Creation". Pa duna e tayer aki, Virginia Paragona cu ta un hoben profesional cu ta traha den e mundo di marketing a prepara un presentacion

hopi dinamico y cu hopi diferente ehempel di atletanan actual cu ta indica kico tur ta posibel den e mundo di "personal branding". Banda di esaki, a splica e diferente motibonan dicon haci esaki por ta di balor agrega, ademas di con esaki por atrae diferente cosnan positivo, manera posibel patrocinio. Finalmente, a prepara un



Clasificados

SOLODIPUEBLO@GMAIL.COM

CEL.585 9500

concurso unda tur atleta cu tabata presente na e foro por participa, asina poniendo den practica

local a siña durante e tayer. Comite Olimpico Arubano y AAC ta gradici Virginia pa e tremendo

tayer cu sigur tabata uno di hopi bon contenido cu nos hobennan lo utiliza. #TEAMARU

MAYORNAN, DICON SCOGHE PA INSCRIBI BO YIU NA UN SCOL DI SKOA?

Oranjestad, Aruba: SKOA ta e instituto di educacion di mas grandi na Aruba y nos ta keda enfoca ariba e desaroyo y crecemento di tur nos muchanan. Pesey nos ta boga pa keda brinda educacion di calidad pa asina prepara nos muchanan pa un bon futuro. Ademá, bo tabata sa cu e curiculo di kleuter di SKOA ta multilingual y ta cubri mas di 20 diferente area di desaroyo? Esaki ta beneficia nos muchanan cu un base fuerte den lenguahe cu ta un ventaha pa nan trayecto di educacion.

Manera tur aña SKOA a cuminsa cu inscripcion pa tur mucha cu ta bay haci 4 aña den e proximo lunanan. Mayornan cu ta desea pa nan yiunan bay un scol di SKOA por cuminsa cu e proceso di inscripcion mas pronto cu ta posibel pa asina segura un luga pa e proximo aña escolar.

Con pa inscribi na SKOA?

☐ Pa mayornan cu no tin yiu inscribi na SKOA, por inscribi pa kleuter via nos website www.skoa.aw completamente online.

Ora di haci inscripcion mester pone bon atencion ariba e documentonan cu ta necesario pa asina por cumpli cu e proceso di inscripcion di bo yiu.

Mayornan cu inscribi nan yiu ta haya un periodo di 6 siman pa asina por cumpli cu e pago completo di schoolgeld pa e aña escolar venidero. Despues di 6 siman, si e pago no ta completo, e cupo di inscripcion ta wordo cancela cu consecuencia cu no lo bay tin un luga segura na un scol pa e yiu por cuminsa kleuter e proximo aña escolar.

Pa pregunta of informacion tocante inscripcion na SKOA por manda un email na aplicacion@skoaw.aw of manda un WhatsApp na +297 7485995. Mayornan cu ta desea por pasa libremente na nos oficina pa inscripcion.

Pacualkier otro pregunta of informacion tocante inscripcion en general na SKOA por bishita nos website www.skoa.aw of por yama na liña directo 5231800.



Minister Geoffrey Wever

“AGRIFUND” TA DUNANDO EMPUHE REAL NA SECTOR PRIMARIO Y TA FORTIFICA SEGURIDAD ALIMENTICIO DI ARUBA

Oranjestad, 6 november 2025 - Minister di Finansa, Asunto Economico y Sector Primario, mr. Geoffrey Wever, ta contento di mira e impacto positivo cu e proyecto “Agrifund” tin riba e desaroyo di nos sector primario, dunando resultado concreto.

E “Agrifund” di Afl. 3 miyon, ehecuta door di Ministerio di Economia y mamnehapa Qredits Aruba a demostra cu resultado concreto su impacto directo riba productornan y agricultornan local, cu ta haya sosten financiero y guia profesional pa expande y modernisa nan operacion y produccion.

Un paso firme pa fortalece nos sector primario E proyecto “Agrifund” ta un iniciativa conhunto entre e Ministerio di Finansa, Asunto Economico y Sector Primario y Qredits Aruba, cu tin como meta pa stimula inversion di nos productornan y agricultornan chikito y mediano den makinaria, infraestructura y metodo di

produccion eficiente.

Door di e producto financiero “Agriloan”, productornan y agricultornan a logra tuma pasonan concreto pa aumenta nan capacidad productivo y haci nan operacion mas sostenibel.

“Nos prioridad ta pa fortalece e base di nos produccion local. E programa ‘Agrifund’ ta un ehempel concreto di con un vision combina cu bon colaboracion publico-privada por crea oportunidad real pa nos productor- y agricultornan y pa Aruba bira mas independiente den su suministro di alimento,” Minister Wever a expresa:

Evidencia di progreso y compromiso Recientemente, Minister Wever y Sra. Nathaly Harms, Branch Manager di Qredits Aruba, a bishita algun di e productornan cu a participa den e programa, entre otro Pok Pok Aruba, Pestana Ranch, Watapana Farm y Cluck Eggs and Poultry Supply.

Durante e bishita, e productornan a muestra e progreso y resultado di e inversionnan implementa den nan empresa, demostrando con acceso na recurso financiero por cambia positivamente nan capacidad productivo.



“E programa ‘Agrifund’ ta muestra con, door di acceso husto na credito y guia profesional, nos por crea un cambio structural den sector primario,” segun Minister Wever.

Financiamiento accesibel pa crecimiento sostenibel Pa empresarionan di sector primario cu ta dificil pa ricibi un prestamo for di un banco, minister Wever hunto cu Qredits a crea pa prome biaha un “Agrifund” di 3 miyon florin. Prestamonan (“Agriloan”) lo wordo financia cu e fondo aki. E producto “Agriloan” ta un prestamo te cu Afl. 200.000, diseña pa empresarionan nobo y existente den sector primario, cu un interes reduci di 2%.



“Nos ta sigui crea un ecosistema den cual e sector primario ta bira un fuente di innovacion, empleo y orguyo nacional. E programa ‘Agrifund’ ta conecta directamente cu e meta di Gabinete AVP-FUTURO, pa un economia mas diversifica y sostenibel”, segun Minister Wever.

Yamada pa aplica Ministerio di Finansa,

Asunto Economico y Sector Primario, hunto cu Qredits Aruba, ta invita tur persona activo den sector primario, productornan y agricultornan chikito y mediano cu tin deseo di inverti of expande nan negoshi, pa aplica prome cu fin di 2025, mirando cu ainda tin mas o menos Afl. 1 miyon cu por wordo duna na prestamo. Minister Wever: “No perde e oportunidad aki”.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

ARUBAANSE VOETBAL BOND (AVB)

AVB TA SOSTENE E INICIATIVA “DAKOTA IN BLUE” DI S.V. DAKOTA, 131 ARUBA Y N.V. ELMAR DEN LUNA DI HUBENTUD

Oranjestad, Aruba — Arubaanse Voetbal Bond (AVB) ta orguyoso di por forma parti di e campaña ‘Dakota in Blue’ den temporada di hubentud den luna di november, un iniciativa presenta pa S.V. Dakota, 131 Aruba y N.V. ELMAR. E proyecto aki ta un ehempel fuerte di con deporte hunto cu organisacionnan local y social por uni forsa pa crea un impacto positivo den nos comunidad, specialmente pa nos hubentud.

E temporada di hubentud ta un periodo crucial di desaroyo y crecimiento. Durante e temporada aki, nos hobennan mester di sosten, guia y atencion di nos adultonan — incluyendo cuida pa nan salud mental. E campaña ‘Dakota in Blue’ ta enfatisa e importancia di salud mental, specialmente entre hobennan masculino, mirando datos di estudio y literatura Internacional, unda ta indica cu principalmente hende homber tin mas dificultad pa busca ayudo pa problemanan di salud mental. Un tema cu AVB ta considera esencial pa e futuro di futbol y bienestar di nos hobennan.

Como parti di e iniciativa, S.V. Dakota lo cambia su color tradicional geel cu preto pa e color



blauw durante e luna di november. E cambio simbolico aki ta un gesto di union y conscientisacion, caminda tanto e ekiponan di Division Honor como U20 lo hunga cu e uniform blauw — representando speransa, sosten y salud mental.

E uniformnan lo ilustra e logonan di 131 Aruba hunto cu N.V. ELMAR en celebracion cu su 75 aniversario. Hunto e organisacionan kier conscientisa e comunidad di Aruba tocante e importancia di salud mental.

AVB ta felicita S.V. Dakota pa e compromiso di bira



un vocero visual den e tema tan importante di salud mental. Nos ta reconoce cu deporte tin un papel esencial den forma caracter, disciplina y

resiliencia, y pa logra esaki bienestar di salud mental ta fundamental.

AVB ta stimula comunidad di futbol pa sigui e ehempel aki y pa continua promove

un cultura di sosten, empatia y respet “on and off the field”.

Un comunidad fuerte ta cuminsa cu bienestar — mental den union.

A.C.P. PA MUCHA A YEGA BIBLIOTECA HUBENIL

Nos a ricibi un buki special pa mucha. Un buki pa mucha tocante temanan importante manera Aruba su formacion, su flora, su fauna, su historia, hendenan y industria, su cultura, turismo y sostenibilidad. Esaki ta un produccion di team di Aruba Excellence Foundation cu ta consisti di Giovanni de Windt, Melissa Robert, Susana Romero y Sharenda Clarinda. Ilustracion ta di Yohandy Larmonie.

A.C.P. pa mucha ta un produccion masha bunita mes pa tur mucha na Aruba. E siman aki Giovanni de Windt & Melissa Robert ta duna presentacion di nos Flora y Fauna y mas topico na scol den cuadro di Festival di Buki pa Mucha 2025. Meta ta pa ekipa mucha rond Aruba cu informacion importante di nos isla.

Produccion ta den partnership cu Aruba Tourism Authority Aruba (ATA), Museo Arqueologico Nacional Aruba (MANA), Aruba Conservation Foundation (ACF) y Archivo Nacional Aruba (ANA). Aruba Excellence Foundation a wordo institui door di Aruba Tourism Authority (ATA) na aña 2018 y ta e fundacion encarga pa entre otro ehecuta e Aruba Certification Program




(A.C.P.). E mision y obhetivo principal di Aruba Excellence Foundation

ta, pa stimula y desaroya programanan di entrenamiento cu ta enfoca pa ofrece informacion

correcto y consistente tocante Aruba. <https://www.bibliotecanacional.aw/>

[pages/aruba-excellence-foundation-ta-participa-na-nos-festival-di-buki-pa-mucha/](https://www.bibliotecanacional.aw/pages/aruba-excellence-foundation-ta-participa-na-nos-festival-di-buki-pa-mucha/)



SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA
2. ESQUELETO
3. DISFRAZ
4. MASCARA
5. MIEDO
6. TUMBA
7. MAGIA
8. MONSTRUO
9. TRUCO
10. FANTASMA
11. HECHIZO
12. DULCES
13. MUERTE
14. CALABAZA
15. VAMPIRO
16. GATO

SUDOKU

	6	3		8		4		
	9				4			7
4				2				
		7	2		3		5	8
	5			4				
		8				2		4
6						7		
		5		3	6			
	3		8	7			2	6

				8			9	2
4					7	6		
	6		3	2				
							5	
	9				4		2	
3	1					7		
2			8		3	1		
				4	1	9	3	
				6				5

				7	8		4	
	7				5			3
1	4		6					
		5		8		2		
	3				4		7	
	6							5
						8	5	
				6	2			
9		6	5		3			

Oracion di dia

UN FELIZ DIA BENDICIONA YENA CU GRACIA DI DIOS

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta difcil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoze cu Abo ta nos Rey di Husticia y acerca Bo curason misericordioso pa nos salvacion.

Amen

BON NOTICIA

UN IGLESIA CRISTO HESUS A LANTA PA E REINO DI DIOS

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, cu nan lo ta pa semper encabesa e Reino di Dios. Bijbel Mateo 26: 26 - 28, den e ultima cena Hesus a bisa Su apostelnan: "Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan." Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e Herusalem Nobo di Israel. Bijbel Lucas 1: 32 - 33, ta bisa: "Senyor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin." Bijbel Mateo 16: 15 - 19: "Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis'e: Felis bo ta Simon yiu di Huan, pasobra no ta hende a revela


bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsanan di fierno lo no podera di dj'e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe." Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e portanan di Reino pa laga e almanan drenta den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 - 16, aki Hesus ta bisa Su apostelnan: "Sali pasa na henter mundo y predica e Evangelio pa henter humanidad." E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata. Comprende awor, cu tur hendenan, sectanan y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus

a institui, Su doctrinanan di Gracianan di salbacion pa Su Iglesia: Bautismo Mateo 28: 19 - 20, Confirmacion Echonan di Apostelnan 2: 1 - 4, Confesion Huan 20: 23, Eucaristia Lucas 22: 19 - 29, Matrimonio Mateo 19: 4 - 6, Apostolado Marco 3: 13 - 19, Enfermonan Haco 5: 14 - 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther o un frere, teologo aleman a bai contra di e Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo, nan a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan tras. Martin Luther o ta un Protestant, pasobra el a protesta contra Iglesia y el a trece doctrinanan robes den e Iglesia Universal di Cristo Hesus. Den Bijbel Echonan Apostelnan 20: 28 - 30, carta di San Pablo na su coleganan Apostelnan ta bisa: "Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senyor, na cual E'l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo

surgi hendenan cu lo sinja doctrinanan robes y nan lo gana discipelnan nan tras." Ta manera cu Hesus a bisa den Bijbel Mateo 16: 18, cu forsanan di fierno lo purba podera y kibra e Unico Iglesia Universal di Hesus, pero nan lo no logra. Den Bijbel Revelacion 21: 10-14, ta papia, di e ciudad Santo di Herusalem cu tabata bahando di Dios for di Cielo, briyando di Dios Su Gloria. E muraya di e ciudad tabata tin diesdos piedra di fundeshi grandi y riba nan, e diesdos nomber di e diesdos Apostelnan di E Lamchi tabata scirbi. Esaki ta e diesdos nombenan di e Apostelnan scirbi riba e

diesdos Portanan di Reino di Cielo. E Herusalem Nobo di Dios Tata, ta e Aliansa Nobo di Israel pa medio di Cristo Hesus y e Aliansa Nobo aki, ta e Unico Iglesia Universal di Cristo-Hesus pa e Reino di Dios. Nos tambe den Iglesia ta den e Herusalem Nobo di Israel di Dios Tata. Ta manera den Bijbel 2 Samuel 7:16 Dios Tata ta bisa, cu e sucesornan di Rey David di Israel, cu nan lo ta pa semper encabesa e Reino di Dios. Husga pa bo mes, bo ta den e Iglesia corecto pa bo salbacion? Nunca no ta laat pa compronde e berdad y pa comberti na tempo.

Scirbi pa Seferino Tromp



STICHTING VOOR VOLKSHYGIENE VAN
Het Wit Gele Kruis Aruba

Sinds 1959 ten dienste van de Arubaanse gemeenschap
Postbus 488, Oranjestad

Cu inmenso tristeza na nos curazon, directiva, staff y personal ta participa fayecimento di:
Sra. Elsa Croes-Muller

Mama di nos collega sra. Rosana Croes-Ordoñez



Nos ta extende nos mas profundo condolencia na demas famianan y hopi forza den e momentonan dificil aki.

Cu Elsa drumi dushi den brasa di Señor.